



BIZITZAREN **ARRASTOEN** ISLADA **ARANBURUN**

'Kaleidoskopioa + 12' erakusketa jarri du Mariano Arsuaga artista tolosarrak, azken 12 urteetako ekarpenarekin »4

**TOLOSALDEKO
ETA LEITZALDEKO**

hitza



Larunbata
2009-04-18

VII.URTEA 1.679.ZENBAKIA
ESKUALDEKO EGUNKARIA



WWW.TOLOSALDEKOHITZA.INFO

SAUL ROBLES II. ÑAÑARRY RALLYESPRINTEKO ANTOLATZAILEA

«Hemengo zaletuek eta pilotuek rallya berriz antolatzea eskatu dute»

TOLOSALDEA Irurako Ikastolaren alde izango da proba hilaren 25ean; Saul Robles 0 autoa izango da bertan

ZAILTASUNA «Ibilbidea nahiko azkarra da eta Orendain eta Abaltzisketa artean nahiko teknikoa», dio pilotuak »3



Rafael Uribarren, Carlos Ormazabal, Shole Martin eta Jokin Azkue, atzo aurkezpenean. R.C.

NATURALDIAK **AURTEN** HAUSNARKETA **BULTZATZEA** HELBURU

TOLOSA Natur jardunaldiak atzo hasi eta apirilaren 27an amaituko dira; hitzaldi, erakusketa eta ikus-entzunezkoak izango dira »6



I. TERRADILLOS

JOKIN BILDARRATZ EUDEL-EN LEHENDAKARIA

«Ikuspegi soziala mantenduz arduratsu okatu behar dugu»

TOLOSALDEA Krisia udaletxeetako hainbat korretan izaten ari den eragina aztertu du »2

Profesional
uskaldunen
ida erabat
erritu du
JEMAK

TOLOSALDEA Gida honetan
zaldutako nahi duenak
sakaera egin dezake »7

Hodei Trukek
kontzertua
eskainiko du
bihar Musika
Eskolan

TOLOSA Torrevejiako
Lehiaketara eramango duten
egitaraua aurkeztuko dute »5



Shole Martin, Jokin Azkue, Carlos Ormazabal eta Rafael Uribarren izan ziren Naturaldia jardunaldien aurkezpena egiteko arduradunak. R. CALVO

Hausnarketa bultzatu nahi du aurtengo Naturaldiak

Tolosa» Tolosako natur jardunaldiak atzo hasi eta hilaren 27an amaituko dira; Errenteria, Zarautz eta Chillida Lekun ere izango dira.

REBEKA CALVO

1.990. urtean hasi zen Tolosan Naturaldiaren ibilaldia. Natur jardunaldi hauek ingurumenaren eza-gutza eta maitasunaren «zabal-kundea» dute helburu eta jada «gizarteko eta Tolosako ingurumeneko» zati dela azpimarratu zuen Jokin Azkue Tolosako alkateordeak atzo, Donostian egindako aurkezpenean. Azkuek Carlos Ormazabal Garapen Iraunkorreko diputatuarekin, Rafael Uribarren Landa Ingurunearen Garapeneko diputatuarekin eta jardunaldien antolatzaile den GestoNaturako Shole Martinekin batera egin zuen aurkezpena.

Tolosako jardunaldiak atzo hasi ziren eta hilaren 27an amaituko dira, nahiz eta maiatzean Zarautzen eta Errenterian ere izango diren ekintzak. Ekainean, gainera, Hernaniko Chillida Lekun ere izango da ikustekorik. Aurtengo Naturaldiaren egitarauak disziplina desberdinak biltzen ditu; bate-

tik artea, erakusketa bidez, izango da; bestetik hitzaldiak antolatu dituzte eta azkenik, ikus-entzunezkoak ere eskainiko dituzte.

Atzoko inaugurazioan ere artea izan zen nagusi. Naturaldia 09ko

Tolosaldeko bederatzi artistek inauguratu zuten Naturaldia atzo, Kultur Etxean

kartela Tolosaldeko bederatzi artistek egin dute eta artista horiek berak izan ziren jardunaldiak inauguratzeko ardura izan zutenak. Kultur Etxean bildu ziren horretarako guztiak, Mariano Arsuaga, Idoia Elozegi, Iñaki Epelde, Miren Gonzalez, Nisa Goiburu, Koldobika Jauregi, Maria Cueto, Sükrü Karakus eta Jose Luis Longaron, hain justu, eta Kultur Etxea euren sormenekin bete zuten. Artista hauek naturako eta inguru-

meneko gaiekin duten harremana eta ardura erakutsi zuten euren lanen bidez eta lan bakoitzaren 50 kopia banatu zituzten, gainera, gerturazten zirenen artean.

Naturaldia eta artearen bigarren lotura Aranburu Jauregian aurki daiteke. Bertan, atzo inauguratutako Andres Rabago *El Rotor* en *AguaTinta* izeneko erakusketa ikus daiteke. Madrilgo marrazkilariak uraren inguruan egindako 47 bineta jarri ditu Aranburun.

Hitzaldiak

Hitzaldiei dagokionez, lehena etzi izango da, hilak 20, 20:00etan Kultur Etxean. Hiru izango dira hizlariak: Xavier Pastor Oceana erakundeko Europako zuzendari exekutiboak; Gustavo Jerez Servimendia agentziako kazetaria eta Apia elkarteko lehendakariordea; eta Joaquin Nieto Sustainlabour garapen sostengagarriko nazioarteko lan fundazioko oho-rezko lehendakaria. Hitzaldian «hedabideak ingurumen gaiak zabaltzean izaten duten eragina eta erantzukinaren» inguruko hausnarketa egingo dute Shole Martinen hitzetan.

Hilaren 21ean *Ingurumenaren historia, zatitze baten historia*. Ezkertasun baikorra izeneko hitzaldiaren txanda izango da (20:00etan Kultur Etxean). Hizlaria Xabier Garmendia izango da. Hondarribitarra industria ingeniaria eta aholkularitza enpresa bateko bazkide zuzendaria da. 1991. urtetik 1995.ra Eusko Jaurlaritzako Ingurumeneko sailburordea ere izan zen.

Datorren astean hitzaldi ugari izango dira nagusi, baina ikus-entzunezkoak ere eskainiko dituzte

Asteazkenean, hilak 22, emakume bat izango da hizlaria; Mabel Cañada Lakabeko (Nafarroa) komunitatearen sortzaileetarikoa bat. Cañadak *Femeninoaren udaberria* hitzaldia eskainiko du (20:00etan Kultur Etxean). «Gaur egungo ahots guztien gabeziak hitz egingo du, eta okerrago dena, gaur egungo Ama Lurraren ahotsaren gabeziak», argitu zuen Martinek. Hurrengo hitzaldia datorren ostiralean izango da, hilak

24 (20:00, Kultur Etxea). Jose Antonio Marina irakasle eta filosofoak eskainiko du eta adimen ekologikoaren inguruan hitz egingo du.

Ikus-entzunezkoak

Naturaldiak, gainera, bi dokumental ere eskainiko ditu Leidor antzokian.

Lehena hilaren 23an, osteguna, izango da 10:15ean eta 19:30ean; *Munduaren azkeneko elkartzeak* izena du lanak eta bertan Werner Herzogek naturari buruz egindako gogoetak dira nagusi. «Antartikan bizi diren emakume eta gizonen bizimoduaren inguruko lana da, pertsona hauek bertan bizi dira puntako zientziaren bila daudelako», esan zuen GestoNaturako arduradunak. 19:30eko emanaldian gainera Josu Iztueta bidaiariak zuzendutako solasaldia ere izango da eta bertan Jeronimo Lopez Geologia Zientzietako doktorea eta Madrilgo Unibertsitate Autonomoko irakaslea izango da hizlaria.

Azken ikus-entzunezkoa hilaren 27an, astelehena, ikusi ahal izango da Leidorren 20:30ean. *Atanar Juat: La leyenda del hombre veloz* lanean Kanadako eremu artiko zabalean inuit herriak makina bat belaunaldietan kontatutako kondaira da nagusi. Lana eskimalen hizkuntzan egin zuten eta aktore guztiak ere inuitak dira.

Naturaldia Gipuzkoan

Naturaldiak urtero egin ohi duen moduan Gipuzkoako beste herri batzuk ere bisitatuko ditu. Batetik, Errenterian izango da maiatzaren 7an eta bertan Raul Castrok, Azti-Tecnaliako Itsas Ikerketa Saileko kideak, *Oarsoaldea: itsasbazterreko bidegurutze bat* hitzaldia eskainiko du (19:00, Reina aretoa). Castro Zarautzen ere izango da maiatzaren 14an eta bertan *Zarautz: Gipuzkoako itsasbazterra kudeatzeko talaiaz* hitz egingo du (19:00, Udaletxeko batzar aretoa).

Naturaldia 09 Hernaniko Chillida Lekun amaituko da ekainaren 13an (19:30). Bertan Luis Rojas Marcos izango da solasaldiaren protagonista. Rojas Marcos psikiatriako irakaslea da New Yorkeko Unibertsitatean eta hiri hartako Medikuntza Akademiako eta Psikiatriako Estatubatuar Elkarteko kidea da, beste kargu batzuren artean. AEBetako zientzia aldizkarietan artikulu ugari idazten ditu.